

華東史地文獻 第四十二卷

中國華東文獻叢書



中國華東文獻叢書·第三輯

華東史地文獻

第四十二卷

甘肅省古籍文獻整理編譯中心
中國華東文獻叢書編輯委員會
編

甘肅省古籍文獻整理編譯中心重大整理項目

本輯主編：丁鳳麟 方寶川 史梅 李西寧

徐曉軍 黃顯功 傅德華

本卷目錄

曹南文獻錄

二

〔清〕

徐繼儒輯

.....

〇〇三

【清】徐繼儒輯

曹南文獻錄

二

〔清〕《曹南文獻錄八十二卷附錄六卷》。清徐繼儒輯，民國六年（一九一七年）曹縣徐氏刻本。黑口，單魚尾，單欄。半葉十二行，行二十三字。

徐繼儒，字幼之，生卒年不詳，山東曹縣（今山東省曹縣）人，光緒十六年（公元一八九〇年）進士。是書卷前有方玉普、李經野、姚舒密、陳繼漁、謝焜及孫問點序文。

曹南文獻錄八十

二卷附錄六卷

歲在丁巳曹
縣徐氏開雕

曹南文獻錄卷五十四 詩鈔二十四

詩鈔外編

金路鐸二首 元好問六首

元虞集一首 馬祖常三首 胡祇遹一首 楊飛卿一

首 盧投一首 陳祐四首 楊維禎一首 王博文

一首 王逢一首

明成祖五首 朱健根三首 朱觀煜七首 朱頤珪

四首 胡儼一首 侯復一首 王益一首 薛瑄五

首 楊士奇一首 陳鑒一首 黃錫二首 郭登一

首 王鏊一首 王越一首 程敏政一首 陶諧一

首 劉大夏一首 李東陽一首 張安甫一首 邊

貢二首 顧清一首 賈詠一首 錢承德一首 顧

曹南文獻錄卷五十四 詩鈔二十四 一

璣一首 洪若水一首 李夢陽三首 楊一清四首

詹翰一首 錢宏一首 費宏一首 席春一首

張潮一首 廖道南一首 黃佐一首 張台一首

楊博一首 張治道一首 薛蕙五首 文徵明四首

歸有光一首 嚴嵩三首 王廷相一首 潘高一

首 李攀龍九首 吳國倫二首 李春芳一首 張

佳胤一首 朱睦㮮一首 康海一首 鄒願賢二首

謝榛七首 王世貞三首 羅洪先二首 馮惟健

二首 羅汝芳一首 黃姬水一首 徐中行一首

王崇慶一首 趙時春二首

路鐸字宣叔時爲
東平府治中

承安五年四月被徵督郡租至曹南值方太守同年護

作河隄聞之遂命駕來訪道舊歡甚相與登清風閣披雲樓因酣飲索樓閣二詩別後奉寄

披雲樓

步上雲端眺碧空恍然身似出樊籠斜陽飛鳥陶邱外澹月耕牛禹迹中聊混古今千榼酒不分賓主一襟風挽鬚笑語真難得明日泥沙印爪鴻

清風閣

河山陳檻外象緯掛簷牙微吹來千里清音散萬家坐深忘畏日飲久失餘霞賢守後民樂土功廬水涯

元好問

題商孟卿家明皇合曲圖

海棠一株春一國燕鶯鶯作寒食千古萬古開元日三郎曹南文獻錄卷五十四 詩鈔二十四 二

搗管仰面吹天公大笑嗔不得甯王天人玉不如番絳樂句不可無宮腰不披羽衣譜疾舞底用牧豬奴風聲水聲閣清都夢中令人羨華胥何時卻並宮牆聽恨不將身作李暮

寄答商孟卿

窈渺朱絃寂寞心得詩何啻得南金冷猿挂夢山月暝老雁叫羣江渚深異縣五年仍隔濶荒城連日想登臨書來且只平安了撥觸離愁恐不禁

題商夢卿家晦道堂圖二首

松亭竹閣數家村通德仍餘舊里門喬木未須論巨室青衫今有讀書孫

東國人門幾百年素風纔到此公傳卷中甚欲題詩句慚愧韋家祖德篇

商正叔隴山行役圖二首

隴坂經行十過春也隨風上變真浮吳山汧水不必畫留在秦音已可人

夢中陳迹畫中詩前日行人餐已絲我亦寒亭往來客因君還寄出關辭

虞集

商德符畫幽篁古木

商琦字德符

湘君宮在洞庭湖幽篁古木籠所都石壇雨長碧苔蘚水屋風動青珊瑚老人倚枕看蜨蟻凝婦停舟聽鷓鴣江南蜀道問來往商公商公今有無

馬祖常

題商德符山水圖

曹南文獻錄卷五十四 詩鈔二十四 三
曹南商君畫山水幅綳咫尺千萬里古木樛枝障霧雨蒼石斷裂蹲虎兕路幽應有仙人室樓閣恍惚雲氣入翰墨黯黯絕丹碧芙蓉峯高觀海日

商學士畫山水歌

商君畫山兼畫水當年天下無雙比昔者累蒙天子知畫日三接賜筐篋墨澤翻流雪壁滑闕嶠蜀門生寸晷五年送綳或不得岸幘飲酒尋畫史江波沈沈樹含霧疊嶂千層間歸路元雲夜合風雨交漁師不畏蛟龍怒倚雲茨屋如窮邇移枝應有猿猴悲暇謫依稀屋樓出暗罪彷彿鸞峯移君不見剡藤一丈光陸離鳴鳴野父秋行迷

商學士萬里圖

曹南商君儒家子身登集賢非畫史酒酣氣豪不敢使揮酒

山水在一紙咫尺萬里乾坤意人言造物真兒戲盤紆流動
各有象變化歟忽風雲至吾觀崑崙西月升更觀扶桑東日
生形勢開合限內外分野上合星辰精大禹鑄九鼎郊衍外
九州豈但草木異乃有鬼魅憂噫嘻奉常官祿薄百錢縫囊
貯邱壑爲爾作歌還一嘆何年淮南戴青笏

胡祇適 武安人字紹聞至元十九年濟甯路總管

琴臺

吏以身化民民自樂循理善誘無惡言風俗日淳美春風和
氣中周旋樂與禮不待聲與色絃歌而已矣宜乎聖師言計
與稱君子我慚領郡符學道不修己區區終日間喋喋費唇
齒民有不若德未免以鞭箠一時雖面從中心顧復爾循吏
未可攀聖域安敢企再拜登茲堂沾衣汗如洗

曹南文獻錄 卷五十四 詩鈔二十四 四

楊飛卿

登濮陽北城

層城高絕一攀躋歲杪臨風客思淒燒入馬陵秋草黑雁橫
雷澤暮天低陳臺事往人何在曹國風遙望欲迷牢落壯懷
誰與語疏林殘照亂鴉飛

盧授

題濮陽尊美堂

忽從囂雜見醇良誰道人亡政亦亡循吏方能尊五美俗工
祇解習三章雄碑薜蘿結常遭變茂樹民懷不忍傷誰繼劉公
能復築會看汗簡共輝光

陳祐

琴臺書事四首

麥雲冉冉聞禾麻桑柘煙深去路斜無象太平原有象纔車
造響是田家

四郊年麥接雲平綠野人家曉課耕怪得公堂民訟簡閭閻
原有讀書聲

前楊後馬字民心只與先賢閒古今巫忠英靈如有在九原
應喜得知音

鳴琴閒暇戴星忙秋菊春蘭各自芳珍重邑人懷舊德殷勤
爲築二公堂

楊維禎

樂府

單父侯吾父母治吾以天不以夏楚堂上彈琴赤子舞堂下
單父之賢賢於不齊者五吾能事之治單父以賢輔治神明
曹南文獻錄 卷五十四 詩鈔二十四 五

王博文

琴臺

我頃承恩命驛騎趨塵埃下馬未及歇徑上鳴琴臺周覽梁
宋郊蕩蕩川原開桑麻蔚無際衣被遍九垓地富人又夥守
宰當掄才翠琰壁間詩驚是陳節齋贊美二尹賢寬明不苛
猜前楊與後馬名可襲黃排我知節齋意將以激後來因知
此二公杞梓廊廟材十年俱我弁鸚立白玉階不見今數公
前政不久乖真契尹鐸語繭絲保障哉我亦常典郡吏怨民
不懷遠不宓巫見近不高李陪懷賢成愧歎日暮空徘徊

王逢

題歲寒橋

至正壬辰七月十日徽寇犯杭焚時中執敬爲浙省參政亟禦於橋遂死之

大參身死歲寒橋忠血長流憤未消一片王孫煙草色岳墳松柏共蕭蕭

明成祖

晉尙書令卞壺詩

父將一死報君恩二子臨戎忍自存慷慨相隨同日盡千古忠孝表清門

隋孝子翟普林詩

事親包養且躬耕侍疾猶能盡至誠劬瘁七年衣不解鄉鄰咸仰翟先生

親亡廬墓自成墳忍凍哀號不可聞一犬悲號雙鵲擾高風曹南文獻錄卷五十四 詩鈔二十四 六 千古播清芬

宋孝子侯義詩

備身事母爲家貧母沒哀號夜及晨妻子嗷嗷從不給辛勤負土只成墳

瓜生同實木連枝盜賊相知不忍欺蛇鴿俱馴來繞護由來純孝感天知

朱健根

書扇贈高谷南侍御

海嶽觀風處蒼生切望霓澄清存志節香漢有封題塵輒青馳健春殘黃鳥啼千秋桓典駕馳逐幾人齊

題間山爲江山人贈

問津何似問山高五嶽煙霞夢想勝蹟十年青玉杖異人

一掬赤瓊膏鹿街瑤草供行饌鶴引祥風煦野袍不爲登高能豁眼古來勲業本秋毫

送靜宇使君之武昌

鷄舌方含漢署香一麾君豈薄淮陽自緣聖主重民牧故爾名區試棟梁郡郭風煙來五老楚江形勝接三湘斜陽春色停雲處莫遣新題付渺茫

朱觀燿

元日感懷

手把屠蘇酸欲斟淚不乾情添今日痛慶減去年歡旭日空庭澹東風白晝寒所欣椿正茂雨露擁雕闌

簡裴鶴洲柱史

鯨波震南國狼烽動北隅中原困微餉蒼生盡饑疲不有古曹南文獻錄卷五十四 詩鈔二十四 七 君子何以慰流離峻刻衆罔措平易民必歸所以周召伯甘棠繫遐思況復秉繡斧分猷自彤墀周道避驄馬何用埋輪

爲猗歟裴柱史冰霜凝玉姿老成德不貳重望貫遐夷攬轡巡齊魯遐邇政俱宜神明官所懾逢迎民不知處事以無事立政以仁慈奸宄不敢侮豪宕不敢欺行臺簿書簡吏眠春晝遲我愧宗藩末幸叨教養私方抱失恃隱廬處叢哀悲何以伴晨夕惟有苦與衰繫公此弭節不獲一相隨威聲日填耳咫尺悲路歧東人欣有託吾亦仗維持知公振餘力濟世以爲期茫茫古道後伊呂今在茲震疊之後稍稍從簡無非爲民也此作從容委婉

挽琴士張良玉

聞道琴高乘鯉遊人間從此大音收荒臺日落鶴空聽幽壑

雲深水自流遺曲誰傳絕代謠鳴蟬空老一庭秋可憐辜負
鍾期賞風雨年年山鬼愁

鮑思菴鎮山東

廿年遺澤在東方作鎮重來倍有光新旌旄旌增氣色舊遊
民物半凋傷高風擬見清諸路明月還看照四疆昭代不須
求異政緩征先爲慰流亡

聞居病懷

偃蹇經時自索居閉門搗藥夕陽餘相如病渴惟高枕阮籍
愁深懶著書竹院微暝驚乍暑槐庭薄霧入清虛機心已共
閒心寂不向通津學釣魚

趙康王哀詞

帝子東平侶浮名夢已殘叢臺春色冷澗水蒨盟寒客散誰
曹南文獻錄卷五十四詩鈔二十四八
彈劍花飛自繞闌茫茫天地外何處駕青鸞

送毛教授還山

未老思投老欲歸便得歸緇塵今漸遠不上芰荷衣

朱頤珩

登兗州城樓

步上西城樓北望傷我心秋風吹大陸落日薊門陰元霜被
寒渚白雁號中林孤飛何棲止嗷嗷悲不禁怊悵結心曲歸
寫卽中琴朱絃感人意悽然叢叢哀音中夜不能寐撫桐獨沈
吟

寄懷邢子愿侍御

相憶未相識高名空復聞時因薊北雁一望濟南雲謝傳青
山展羊欣白練裙風流誰可再千載獨夫君

賦得爲我彈鳴琴贈王生

憐君多雅調爲我彈鳴琴曠矣卽中賞兼之物外心夜深山
鬼泣江靜水龍吟曲罷無人解松風披素襟

蟋蟀

蟋蟀關何事哀音入夜偏寥寥閑永漏切切亂鳴絃乍逐微
風斷還從疏雨連聞中有思婦怪爾不成眠

述曰明鉅野王泰澄靖王第二子宣德二年封定陶王銓鑑
藩莊王子正德二年封鉅野諸宗多尙文雅最著者曰將軍
當溥博覽羣籍蓄書甚富購得異本手自鈔錄不下萬卷尤
工墨妙發爲詩歌甚馴雅當溥從子曰將軍健根健根二子
日中尉觀樞觀鞅皆好學工文被服有禮各有文集行世觀
樞從子曰頤珩頤珩詩畫各臻妙境信魯宗多賢萃於一門
曹南文獻錄卷五十四詩鈔二十四九

云

健根字務本靖王元孫封奉國將軍博通經術宦遊兗中者
莫不延納年七十猶執鉞如意縱談名理臺臺不倦嘉靖中
有詔褒其賢孝

觀樞字中立封鎮國中尉所著有濟美堂稿所選海嶽靈秀
集咸傳於世凡二十餘家

頤珩字育甫封鎮國中尉明史作頤珩

胡儼

騶虞詩應制

聖皇端拱居明堂梯航玉帛來萬方仁恩義澤被寰宇運化
熙熙躋虞唐於此山東產靈獸玉燭儲精天降祥雪花英英
瑩毛質元雲冉冉凝天章不履生芻性仁厚虎豹遁迹蛟龍

藏千巖萬壑生光彩山靈岳祇參翱翔奇花異卉紛照耀靈
風滿川甘露漢要之網羅不可致虞人走告誇非常近之不
驚亦不懼儀儀穆穆行踰踰薦以雕龍藉芳稈榮光叶氣隨
飛揚猗首班班獻金闕龍旂寶扇森開張百僚拜舞慶嘉瑞
鏘金鳴玉趨鴛行昔者鈞州已來貢重見實由聖德昌小臣
欣躍載歌頌願播簫韶儀鳳凰

侯復

贈韓僉憲赴任河南

孔林秀出白玉姿文光燦燦當明時少年豪氣奪蟾兔花折
秋香第一枝聖君已許連城價龍虎蜚聲重天下丹陛節部
協紫鸞玉堂文翰騰金馬席佐司成照辟雍宮鳴羽和聲春
容光風涼挹三年外化雨春宏多士同龍泉吐氣凌星斗霜
曹南文獻錄卷五十四 詩鈔二十四 十
威又逼河陽柳風搏秋鸞摩晴霄錦製宮袍耀春晝恩頒鳳
詔五色花庭闌曉色飛金鴨椿萱歡笑看綵軸彤組珍醲捧
紫霞高堂親好春常在天子恩波漲滄海矯首橋門別意多
萬里雲衢天地大

王益

前題

壁水秋風賦別離都門冠蓋酒如池正逢攬轡澄清日又值
還家省覲時黃雀入簾新作友青驄衣繡舊爲師遙知烏府
應多暇好寄緘封慰所思

薛瑄

濮陽道中

歲月多從馬上過勳名未立鬢先皤風霜滿面誰能識極目

蒼天一放歌

鉅野道中

鉅野茫茫遠際天春風春雨淡春煙河流尙自成陳迹俯仰
千秋事渺然

行黃河岸上

蒼崖千仞俯黃流滾滾波聲大地浮惻悵靈槎無復見壯懷
祇許付神遊

題曹縣分司新竹

知是乾坤二氣催滿林新筍迸蒼苔抽梢漸欲凌雲漢解籜
時當傍憲臺已覺清風連座起更搖疏雨到窗來相看盡日
添清興白筆新詩爲爾裁

揚震卻金處

曹南文獻錄卷五十四 詩鈔二十四 七
誰能介性抱和衷笑卻黃金暮夜中千載四知臺下路蕭蕭
松柏有清風

楊士奇

雪霽草堂

輕風解寒泓初日麗邱林簷際瀉懸溜窗中見遠岑清和盪
淑氣浩蕩發冲襟餘色皎如玉吾將比素心

陳鑒

送李迂齋回曹南

春雲黯黯日含暉遙望臺星出紫微古道自無三黜愠直臣
又見一番歸離筵對酒心先醉祖道分襟馬似飛天眷吾皇
應有在交遊勿惜暫相違

黃錫

贈秦御史紘謫湖廣沅陵縣北容驛驛丞

驄馬羣中獨妙齡，爬爬別藟志澄清。霜蹄暫蹶名尤顯，士論無虧去亦榮。虞詡漫教施利器，相如還見返連城。孤忠耿耿宜珍重，徵詔終歸萬里明。

次韻秦御史北容驛寄南臺諸友

吏隱湘江樂未涯，絕勝冠蓋走京華。閑依碧樹聽啼鳥，靜對清樽數落花。道在不妨淹草莽，時來終見顯邦家。高懷最是

人難及，處變何曾一怨嗟。

贈秦秦州

早登金榜列儒紳，誰不爭先睹鳳麟。曾以霜威消瘴癘，還將和氣布陽春。廟堂正擬徵黃霸，父老俄聞借寇恂。不獨兒童曹南文獻錄卷五十四詩鈔二十四三騎竹待郊原，草木亦欣欣。

王鏊

送曹南王德潤還汴藩

山東富才賢，諸王名久擅。詩書相君家，冰玉天官傳。宅相今有徵，佩刀誰所薦。八鳳羽，毛奇雙珠文。彩炫美濟虞，廷元數比周。家學聯中甲，科名兩人入。詞垣選秘學，付青箱。習書空白練，陰功積已多。遠近稱殆徧，高明用柔克。吏事以文緣，花縣春陽仁。白簡秋霜面，治琴力有餘。惟科考甘殿，至今吳興郡。蒼雪爲君變，轉漚再來燕。分省還當汴，未見情已深。況也屢相見，依依北扉語。草草東城餞，去去那能忘。斯文有深眷。

王越諱爲左

送曹南王德潤歸汴藩

三十年來夜氣微，光明誰識大參心。基高自有饒人著，琴古宵無治世音。願我一杯將進酒，願君四海早爲霖。贈言不盡相知意，洪水深如汴水深。

程敏政

送曹南王德潤還汴藩

禮闈親薦出羣才，翰苑重看蚌有胎。榜下衣冠今再葉，里中文獻舊三槐。出城催上離亭宴，候館知從覲闕來。多病得誰增壯色，送君斜日下燕臺。

陶諧

送王德潤大參再還汴藩

上國重來是壯遊，又看雛鳳在瀛洲。宦情落落詩成卷，歸興匆匆月滿舟。汴水春深棠樹綠，燕山秋老桂枝稠。山東相業曹南文獻錄卷五十四詩鈔二十四三從來事，趁取勳名未白頭。

劉大夏

過黃河野寺定陶志云書於定陶鎮院之壁

花柳爭春色，風塵礙景明。王臣心獨苦，禪客思偏清。盜賊聞充斥，河防恐變更。慈航功未滿，暫冷北山盟。

李東陽

弔義城樹中餓

山深雪寒路坎坷，兩死何如一生可。桃才自信不如哀，君若有功何必我。楚王好士得燕才，燕家未築黃金臺。當時周室何爲哉，吁嗟乎樹中餓死何足惜。何似西山採薇食。

張安甫

過南華次韻宋孫肅元韻見上

驅車入衍疆拂苔讀殘書達哉南華心曠古孰與如萬象真
士豈八垠一邱墟作端者誰氏胡爲別樊廬頓令天地量包
容有遺餘不知道在初何物能釣鉢自開功利源營營紛鄙
夫毫末竟何得廉恥忘溺胥鼎呂伏饒虎朝暮勤詐狙燔犧
樂文繡幽閒豈鷗鳬至人去已遠遽理今成蕪唯有釣臺石
清風時與俱安得起斯世偕坐談義虞作詩弔千古撫景增
躊躇

邊貢

送王叔武歸曹

黃河三尺雪冰厚不可解使君白馬來青雲見風采蕭蕭紫
園竹秀色遙相待鄒生與枚叟借問今安在日暮登吹臺含
情向干載

曹南文獻錄卷五十四 詩鈔二十四 古

喜濮陽李尚書卜鄰

紫宸西畔白門東雞犬相聞巷陌同家遠正須君作侶病多
無奈我成翁池光向月虛含凍柳意歸春弱畏風珍重雪泥
鴻爪迹翻飛回首五雲中

顧清

書王叔武西江贈行卷後

古木迴廊玉署東幾宵相對燭花紅風雲浩浩君能健鬢髮
蒼蒼我已翁到手酒杯還似夢隔年詩債已書空貞元舊曲
猶堪按一笑無忘此會同

賈誼

送王叔武督學川中

大方山斗共推韓駟馬能輕蜀道難濫瀆湍奔巡使節蛾眉

壁立待吟鞍三川文物誰經品萬里風雲此壯觀自是登瀛
重遴選才華門第總爲冠

錢承德

送推府李君德明之南陽 煒

二十年前識璽卿今看令子上臺城黃堂政務須僚案太學
才華本俊英謏說民安由物阜應知訟簡在官清短長亭畔
驪駒歇洗耳南陽獻獄聲

顧璘

送王太常荷塘自南都還闕下

虎榜論交後參差有歲年相逢俱暮矣懷抱兩依然余釣東
南水君還尺五天離心將去棹冉冉隔江煙

湛若水

曹南文獻錄卷五十四 詩鈔二十四 五

前題

君從北雁來又從南雁去始悟乘除理因知去來處遲迴三
紀下禮樂一朝舉隨子聽鈞天誰能插六羽

李夢陽

秋日讀王叔武赴江南時諸曹贈行篇什感賦

接攬江西轡同懷振鐸年匡廬並突兀鄱水日悠然子進薇
花省予尋連葉船梁園相邂逅把酒對秋天

瓠子河

沈璧餘瓠子橫汾懷帝歌波濤滿眼送城郭沒年多虎戰仍
三晉龍游失九河宋人饒事蹟今望亦滂沱

雪霽草堂

軍城日出海雲殘積雪光搖列戟寒侍立泥中皆帶劍笑談

堂上盡義冠新朝故假威權重儒將從教禮數寬一代英雄
餘慶在百年圖畫使人看

楊一清

陳少司農勛畫像

兩朝廷對宴瓊林禮戶銀臺歲月深功績崇高堪廟祀文章
赫奕冠纓簪櫜中惟有盤龍詰裏裏真無暮夜金義憤鋤奸
稱鐵漢同時劾劉瑾七八皆宸區共頌老臣心

送桑廉訪還樸陽

不信高才遂陸沈果然衆口鑠黃金蒼天自識憐孤憤白日
終當照素心載貨故知非馬援殺人原豈是曾參相留有意
難爲力賦別脚脚感慨深

送王侍講三錫出參蜀政

曹南文獻錄卷五十四 詩鈔二十四 去

聖皇不爲勒西顧參政果然輟講官館閣十年推遠器江湖
萬里得奇觀周詩早識均勞意蜀道宵辭行路難收拾江山
在胸次篇章還寄北扉看

送曹南李生煒節推南陽

把卷閒題贈別詩忽因名姓感當時宦途似隔三生夢童子
真慚一字師恩爲列卿承蔭補官於執法見才奇南陽菊水
多延壽一坵分來寄所思

詹翰

贈張侍御歸東臺

城武臺東桃欲花城武臺西度彩霞百里生靈回春色十年
巨邑成桑麻傍臺讀書者誰子早歲曾爲柱下史奏疏明章
志未諧歸來高臥華胥里人言此臺多暴客君獨視之如安

宅宣父欲居九夷地從來忠信行蠻貊吁嗟此語可訓俗我
欲寶之如尺玉請看不收不求篇獨守空臺永無辱

錢宏

晚留張侍御東臺

百尺層臺景色新堂間柱史絕羈塵四時花鳥堪爲樂萬卷
詩書未是貧望極海雲天欲曙坐移簾月夜相親末朝侍立
承明殿莫遣鄉思入夢頻

費宏

送王侍講三錫出參蜀政

牙排拂曙別形輝漫卷詩書出講帷驛路遙通雲棧外藩垣
雄據錦江湄才優漢吏儒能飾忠慕王尊孝可移明王均勞
有深意中樞政事待參知

曹南文獻錄卷五十四 詩鈔二十四 去

席春

前題

相業深期繼禹皋暫從詞苑下旌旄虹飛江漢銅梁壯雪擁
岷峨玉壘高石棧風雲忘客思草堂花鳥助詩豪魚鳧喜際
文翁化早見池頭起鳳毛

張潮

前題

聖主垂西顧儒臣佐遠藩甄陶還相業綸綍有王言錦纓美
蓉水熊幡辟荔枝村壯懷歌澤雁無淚下江猿

廖道南

送王侍講三錫出參蜀政

君不見金峨山層峯突兀青霄間白猿青鳥涼月出綠蘿紫